

四庫全書

集部

欽定四庫全書

三體唐詩卷四

宋 周弼 編

詹事府詹事高士奇輯注

前虛後實

黃鶴樓

崔顥

昔人已乘白雲去此地空餘黃鶴樓

齊諧志黃鶴山者仙人子安來黃鶴

過此上有黃鶴樓

黃鶴一去不復返白雲千載空悠悠晴川歷

歷漢陽樹芳草萋萋鸚鵡洲日暮鄉關何處是煙波江

上使人愁

自蘇臺至望亭驛人家盡空

李嘉祐

南浦旅蒲覆白蘋東吳黎庶逐黃巾

嘉祐此詩蓋作于劉辰張景起亂浙

西平盧軍大掠之後

野棠自發空流水江燕初歸不見人遠樹依

依如送客平田渺渺獨傷春那堪回首長洲苑烽火年年報虜塵

與僧話舊

劉滄

巾烏同時下翠微舊遊因話事多違南朝古寺幾僧在

西嶺空林惟鳥歸
莎徑晚煙凝
竹塢石池春水染
苔衣
爾雅曰苔水衣也
此時相見又相別
即是關河朔雁飛

長洲懷古

野燒空原盡荻灰
吳王此地有樓臺
千年事往人何在
半夜月明潮自來
白鳥影從江樹沒
清猿聲入楚雲哀
停車日晚薦蘋藻
風靜寒塘花正開

煬帝行宮

此地曾經翠輦過
浮雲流水竟如何
香銷南國美人盡

怨入東風芳草多殘柳宮前空露葉夕陽江上浩煙波

行人遙起廣陵思古渡月明聞棹歌

煬帝鑿河自造水調歌公孫滿寓泰

中月夜聞人吳音
棹歌浩然有歸志

經故丁補闕郊居

許渾

死酬知己道終全波暖孤永且自堅鵬上承塵纔一日

說文曰承
塵壁衣也

鶴歸華表已千年風吹藥蔓迷樵徑水暗蘆

花失釣船四尺孤墳何處是闔閭城外草連天

贈蕭兵曹

廣陵堤上昔離居
帆轉瀟湘萬里餘
楚澤病時無鵬鳥
越鄉歸去有鱸魚
潮生水國蒹葭響
雨過山城橘柚疎
聞說攜琴兼載酒
邑人爭識馬相如

已上七首

酬張芬赦後見寄

司空圖

紫鳳朝銜五色書

後趙石虎詔書用五色紙銜于木鳳之口而頒行之

陽春忽布

網羅除已將心變
寒灰後豈料光生
腐草餘建水風煙
收容淚杜陵花竹
夢郊居勞君故有
詩相贈欲報瓊瑤

愧不如

答寶拾遺臥病見寄

包佶

今春扶病移滄海幾度承恩對白花送客屢聞簷外鶻

消愁已辨酒中蛇瓶收枸杞懸泉水

續仙傳朱孺子汲溪見一花犬入枸

杞叢中掘之根形如二犬食之身輕飛於峯上

鼎鍊芙蓉伏火砂

本草光明砂大者謂之笑

蓉砂大洞煉真寶經曰將丹砂修煉伏火後鼓成白銀一返也將銀化出砂伏火鼓之為黃金二返也

誤

八塵埃牽吏役羞將簿領到君家

寄樂天

元稹

榮辱升沉影與身世情誰是舊雷陳惟應鮑叔偏憐我

稹與樂天友善樂

自保曾參不殺人

微之長慶二年為相時王庭湊固牛

天嘗上疏理之

元翼于深州稹以天子非次拔已欲立功報上于方言

于稹曰有奇士王昭王友明嘗客燕趙與賊黨通可以

反間出元翼稹然之李賞知其謀告裴度曰于方為稹

結客刺公度隱而不發及神策中尉奏于方之事詔三

司訊鞠而害裴之事無驗稹與山入白樓沙苑暮

度遂俱罷出稹為同州刺史

令狐楚作賦刻其上李吉甫郡國圖

曰沙苑一名沙阜在同州馮翊縣

錢塘有潮樂

天時守杭

秋居病中

雍陶

幽居悄悄何人到落日清涼滿樹梢新句有神

一作時愁

裏得古方無效病來拋荒簷數蝶懸蛛網空屋孤螢入
燕巢獨臥南牕秋色晚一庭紅葉掩衡茅

送崔約下第歸揚州

姚合

滿座詩人吟送酒離城此會亦應稀春風下第時稱屈

唐史劉蕡下第
物論囂然稱屈

秋卷呈親自束歸

撫言云唐進士下第
退而肄業謂之過夏

執業以出
謂之秋卷

日晚山花當馬落天陰水鳥傍船飛江邊道

路多苔蘚塵土無由得上衣

旅館書懷

劉滄

忽看庭樹換風煙
兄弟飄零寄海邊
客計倦行分陝路
家貧休種汶陽田
雲低遠塞鳴寒雁
雨歇空山噪暮蟬
落葉蟲絲滿窗戶
秋堂獨坐思悠然

潁州客舍

姚揆

素琴孤劍尚閒遊
誰共芳樽話唱酬
鄉夢有時生枕上
客情終日在眉頭
庾信愁賦曰
眉頭那時伸
雲拖雨脚連天去
樹夾河聲遶郡流
回首帝京歸未得
不堪吟倚夕陽樓

春日長安即事

崔魯

一百五日又欲來

荆楚歲時記去冬節一百五日即有疾風甚雨謂之寒食梨花梅

花參差開行人自笑不歸去瘦馬獨吟真可哀杏酪漸

香隣舍粥

玉燭寶典曰寒食煮大麥粥研杏仁為酪以飴沃之榆烟將變舊爐灰

玉樓春暖笙歌夜肯信愁腸日九迴

江際

鄭谷

杳杳漁舟破暝烟疎疎蘆葦舊江天那堪流落逢搖落
可得潛然是偶然萬頃白波迷宿鷺一林黃葉送秋蟬

兵車未息年華促早晚閒吟向滄川

唐志滄水之一在萬年縣

中年

漠漠秦雲淡淡天新年景象入中年情多最恨花無語

愁破方知酒有權

阮簡久寓西山一日友人移酒

苔色

滿牆思故第

漢書列侯賜大第注曰甲乙次第故曰第

雨聲入夜憶春田衰

遲自喜添詩學更把前題改數聯

已上十首

秋日東郊作

皇甫冉

閒看秋水心無事卧對寒松手自栽廬嶽高僧留偈別
茅山道士寄書來燕知社日辭巢去菊為重陽冒雨開
淺薄將何稱獻納臨岐終日自徘徊

過乘如禪師蕭居士嵩丘蘭若 王維

無着天親弟與兄

西域記無着天親二菩薩名以比禪師與居士

嵩丘蘭若一

岑晴食隨鳴磬巢烏下行踏空林落葉聲迸水定侵香

案濕雨花應共石床平

維摩居士室中天女雨花

深洞長松何所有

儼然天竺古先生

老子曰吾聞天竺有古皇先生善入無為

送友人遊江南

耿漳

遠別悠悠白髮新
江潭何處是通津
潮聲偏懼初來客

叢語曰海潮來皆有漸惟浙江
潮來如山岳震如雷霆可畏
海味惟甘久住人漠漠

煙光漁浦晚

吳郡記富春東三十里有漁浦

青青草色定山春

杭州郡志定山

在錢塘南四十七里潮至此抑聲過此復怒

汀洲更有南回雁
亂起聯翩北

向秦

留別友人

姚合

獨向山中覓紫芝

四皓作紫芝歌曰
苑紫芝可以療飢

山人勾引住多

時摘花浸酒春愁盡燒竹煎茶夜臥遲泉落林梢多碎
滴松生石底足傍枝明朝却欲歸城市問我來期總不
知

嶺南道中

李德裕

嶺水爭分路轉迷枕柳柳葉暗蠻溪

廣川志枕柳樹大四五圍長五六丈

葉生木末本草柳子出嶺南

愁衝毒霧逢蛇草

馬援討交趾曰下潦上霧毒氣蒸薰永州

異蛇齧草盡死人來觸草墮指攣脫

畏落沙蟲避燕泥

錄異記潭表虔吉等州有沙蟲生毒

蛇鱗中蛇為所苦則臥沙中

五月畬田收火米

異物志交趾稻

蛭出入沙人中之三日死

夏熟一歲再種火
米火耕之米也

三更津吏報潮雞

興地志曰移風縣有潮雞潮長則鳴

不堪腸斷思鄉處紅槿花中越鳥啼

嶺南異物志紅槿自正月迄十二月

常聞秋冬差少越鳥鷓鴣也李白鷓鴣詞云有客桂陽至能吟山鷓鴣清風動窗竹越鳥起相呼德裕時謫揭陽

病起

來鵬

春初一臥到秋深不見紅芳與綠陰窗下展書難久讀

池邊扶杖欲閒吟藕穿平地生荷葉笋過東家作竹林

齊氏要術曰竹性愛東南引諺曰西家種竹東家治地

在舍渾如遠鄉客詩僧酒

伴鎮相尋

已上六首

送李錄事赴饒州

皇甫冉

北人南去雪紛紛
雁過汀洲不可聞
積水長天隨逐客
荒城極浦足寒雲
山從建業千峰出
江至潯陽九派分
潯陽地記曰九江一鳥江二蟠江三烏白江四嘉廬江五畎江六源江七廩江八提江九箇江
借問督郵纔弱冠
府中年少不如君

清明日與友人遊玉塘莊

來鵬

幾度春山共陸郎

袁術常呼陸績為陸郎

清明時節好風光細穿

綠荇船頭滑碎踏殘花屐齒香風急嶺雲飄迴野雨餘
田水落芳塘不堪吟罷東回首滿耳蛙聲正夕陽

已上二首

宿淮浦寄司空曙

李端

愁心一倍長離憂夜思千重戀舊遊秦地故人成遠夢
楚天多雨在孤舟諸溪近海潮皆應獨樹邊淮葉盡流
別恨轉深何處寫前程惟有一登樓

尋郭道士不遇

白居易

郡中乞假來尋訪

舊史謂樂天貶江州司馬立隱舍于廬山或經時不歸或逾月而反郡守

不之責

洞裏朝元去不逢看院只留雙白鶴入門唯見一

青松藥爐有火丹應伏雲碓無人水自春

自注曰廬山雲母多以水

碓搗俗呼為雲碓

欲問參同契中事

神仙傳魏伯陽齊會稽人得古龍虎玉經著參同契

未知何日得相從

早秋寄題天竺靈隱寺

賈島

峰前峰後寺新秋絕頂高窗見沃州

沃州山在越州新昌縣東人在

定中聞蟋蟀鶴曾棲處掛獼猴山中夜度空江水汀月

寒生古石樓心憶懸帆身未遂謝公此地昔曾遊

謝安嘗經

臨安山中坐石室臨濬谷悠然歎曰此去伯夷何遠

題宣州開元寺水閣

杜牧

六朝文物草連空天淡雲閒今古同鳥去鳥來山色裏

人歌人哭水聲中深秋簾幕千家雨

按本集題云開元寺水閣閣下宛溪

夾溪居人落日樓臺一笛風惆悵無因見范蠡參差烟樹五

湖東

長安秋夕

趙嘏

雲物淒涼拂曙流，漢家宮闕動高秋。
殘星數點雁橫塞，

長笛一聲人倚樓。

撫言曰：杜紫微雅愛此句，因目嘏為趙倚樓。

紫艷半開籬

菊，淨紅衣落盡。渚蓮愁蘷魚正美，不歸去，空戴南冠學

楚囚。

宿山寺

項斯

栗葉重重覆翠

一作徑

微，昏溪上語人稀。月明古寺客

初到，風度

一作動

閒門。僧未歸，山果經霜多自落。水螢穿

竹不停飛中宵能得幾時睡人被鐘聲催着衣

題永城驛

永城縣在亳州

薛能

秋賦春還計盡違

賦鄉貢也晁錯策曰乃以臣錯充賦按本集題云下第後自夷門乘舟至

永城驛

自知身是拙求知惟思曠海無休日却喜孤舟似

去時連浦一程兼汴宋夾堤千柳雜唐隋從來此恨皆

前達敢負吾君作楚詞

慈恩偶題

雍錄曰慈恩寺在朱雀街東第三街自北而南第十五坊名進昌坊西京雜記

曰慈恩寺隋無漏寺廢址貞觀二十年高宗在春宮為丈德皇后立故以慈恩為名院西浮圖六級

高三
百尺

鄭谷

往事悠悠成浩歎浮生擾擾竟何能故山歲晚不歸去

高塔晴來獨自登林下聽經秋苑一作院鹿溪邊掃葉夕

陽僧吟餘却起雙峰念雙峰黃梅也曾看蒼西瀑布冰

已上八首

都城蕭員外寄海棠花按詩中語海棠花恐是曲名

羊士諤

珠履行臺擁附蟬外郎高步似神仙陳詞今見唐風盛

從事遙瞻魏國賢

獻帝以十郡為魏國封曹操時文帝為五官將及平原侯植皆好文學王

繫為丞相掾徐幹為五官掾陳琳阮瑀為祭酒應瑒劉楨並為掾屬擲地好辭凌綵筆浣

花春水膩魚箋

梁益記曰浣花溪水居人多造綵箋國史補曰紙之善者蜀之金花魚子東

山芳意須同賞子着囊盛幾日傳

見王羲之帖

陳琳墓

九域志陳琳墓在下邳

溫庭筠

曾於青史見遺文今日飄零過古墳詞客有靈應識我

霸才無主始憐君

陳琳始為何進主簿諫不納進敗依袁紹紹敗歸太祖故曰無主也石

麟埋沒藏春草

西京雜記曰石麟冢上物

銅雀淒涼起暮雲莫怪臨

風倍惆悵欲將書劍學從軍

鸚鵡洲眺望

崔塗

悵望春襟鬱未開重臨鸚鵡益堪哀曹瞞尚不能容物

黃祖何曾

一作因

解愛才

漢書云禰衡剛傲慢物曹操怒之送與劉表後侮表表送江夏

太守黃祖殺之幽島暖聞燕雁去曉江晴覺蜀波來誰人能得

風濤便一點征帆萬里回

繡嶺宮

古殿春殘綠野陰上皇曾此駐泥金

封禪儀注曰持禮三十人發壇上石

礧尚書令藏玉牒畢持禮覆石礧尚書令纏以金繩泥以金泥四方各依其色玄宗開元十三年封禪幸東都故杜牧洛陽長句云連昌繡嶺離宮在玉輦何時父老迎又云君王謙讓泥金事蒼翠空高萬歲山三城

帳屬昇平夢

唐百官志云尚書奉御行幸設三部帳其外蔽以排城

一曲鈴闕帳

望心

楊妃外傳玄宗幸蜀霖雨決旬道間鈴聲帝擇其聲為雨霖鈴曲

苑路暗迷香輦

絕繚垣秋斷草烟深

黃圖曰西郊苑繚以周垣四百餘里

前朝舊物東流

在猶為年年下翠岑

已上四首

前寶後虛

春山道中寄孟侍御

張南史

春來遊子傷歸路時有白雲邀獨行
水流亂赴石潭響
花發不知山樹名
誰家漁網求鮮食
何處人烟事火耕
漢書江南火耕水耨注曰燒草下水種稻草
與稻並生芟去復下水草死稻活曰火耕
邨酒熟一杯思與孟嘉傾

早春歸藍屋寄耿漳李端

藍屋縣屬鳳翔府

盧綸

野日初晴麥隴分
竹園邨巷鹿成羣
萬家廢井生新草
一樹繁花對古墳
引水忽驚冰滿澗
向田空見石和雲

可憐荒歲青山下，惟有松枝可寄君。
蓋史思明吐蕃亂後之景也。

松滋渡望峽中

江陵有松滋渡

劉禹錫

渡頭輕雨灑寒梅，雲際溶溶雪水來。
夢渚草長迷楚望，

楚昭王曰：江漢睢漳楚之望也。又顏延年詩曰：江漢分楚望。夷陵土黑有秦灰。
毛遂說楚

王曰：白起小豎子耳，一戰而舉鄢郢，再戰而燒夷陵。巴人淚應猿聲落，蜀客船從

鳥道回。
江出峽至夷陵始平，鳥道回言自高而下也。十二碧峰何處所，永安

宮外是荒臺。
永安宮在夔州先主崩處。

春日閒坐

官曹崇重難頻入第宅清閒且獨行
堦蟻相逢如偶語
園蜂速去恐違程
人於紅藥偏憐色
鶯到垂楊不惜聲
東洛池臺恐拋擲
移文非久會應成

宴安寺

李紳

寺深松桂無塵事
地接荒郊帶夕陽
啼鳥歇時山寂寂
野花殘處月蒼蒼
碧紗凝艷開金像
清梵銷聲閉竹房
丘隴漸平連茂草
九原何處不心傷

館娃宮

皮日休

艷骨已成蘭麝土宮牆依舊壓層崖
弩臺雨壞逢金鏃

香徑泥銷露玉釵硯沼祇留山鳥浴

國經云靈岩山頂有硯沼

麋廊

空信

一作任

野花埋

蘇州國經麋廊吳王所作以梗枿木板藉地西子行則有聲

麋鹿真閒事

伍子胥諫吳王曰臣見麋鹿遊姑蘇之臺

須為當時一愴懷

方干隱居

在嚴州白雲原

李山甫

咬咬嚙嚙水禽聲露洗松陰滿院清
溪畔印沙多鶴跡

檻前題竹有僧名問人遠岫千重意
對客閒雲一片情

早晚塵埃得休去且將書劒事先生

已上七首

酹李端病中見寄

盧綸

野寺昏鐘山正陰

李端集題云野寺病居喜盧允言見訪

亂藤高竹水聲深

田夫就餉還依草野雉驚飛不過林齋沐暫思同靜室清

羸已覺助禪心寂寞日長誰問疾

維摩居士病佛勅文殊問疾

料君惟

取古方尋

按李端詩云青青麥隴白雲陰古寺無人春草深乳燕拾泥依古井鳴鳩拂羽歷花林千年駸

鮮間山屐萬尺垂蘿入水心一卧漳濱今欲老誰知才子忽相尋允言蓋次其韻但觀李詩則此章語意自見

贈道士

褚戴

簪星曳月下蓬壺

星冠月佩也列子海中五山一岱曾與二員嶠三方壺四蓬萊五瀛洲

見東臯種白榆

選詩天上何所有歷歷種白榆注曰白榆星也

六甲威靈藏瑞

檢

神仙傳左慈鍊六甲善役鬼神瑞玉也檢印匣也

五龍雷電遶霜都

霜都猶言霜壇

鬼神所棲

惟教鶴探丹丘信不使人窺太乙爐

太乙爐煉太乙丹爐也

聞說葛陂風浪惡

神仙傳壺公遺費長房竹投于葛陂化為龍

許騎青鹿從

行無

列仙傳鹿一十年為蒼鹿又蘇耽獵常騎鹿遇險絕處皆超越問之答曰龍也

送客之湖南

白居易

年年漸見南方物事事堪傷北客情山鬼趨跳惟一足

廣異記山鬼嶺南所
在多有獨足反踵
峽猿哀怨過三聲帆開青草湖中

去洞庭湖青草湖半屬潭州半屬岳州南曰青草湖北曰洞庭湖
衣濕黃梅雨裏行別

後雙魚定難覓近來潮不到湓城

送劉谷

李郢

邨橋西路雪初晴雲暖沙乾馬足輕寒澗渡頭芳草色
新梅嶺上鷓鴣聲郵亭已送征車發山館誰將候火迎
落日千峰轉迢遞知君回首望高城

江上逢王將軍

虬鬚顓頊羽林郎曾入甘泉侍武皇
鵬沒夜雲知御苑

言鵬之習于獵也鵬非夜放者詩言夜雲豈語病耶然古人亦有夜獵者如齊武帝射雉鍾山至青溪橋西雞

始鳴馬隨春仗識花香言馬習于隨仗而識香也蓋仗前必以香引輦如隋煬帝每駕

則擎香爐在五湖歸去孤舟月六國平來兩鬢霜秦王翦平

六國惟有桓伊江上笛臥吹三弄送斜陽

和皮日休酹茅山廣文

陸龜蒙

一片春帆背夕陽望三峰拜七真堂

茅山有三峯

天寒夜漱

雲牙淨

上元寶經云太極真人服四極雲牙注云雲牙雲根皆石也

雪壞晴梳石髮

香風土記曰石髮苔也自拂烟霞安筆格獨開封檢試砂床倦遊錄辰

州有朱砂處即有小龕龕中生白石床上乃生砂大者如芙蓉床重七八斤價十萬莫言洞府能

招隱五岳圖亦城有洞府仙人居之會輾飈輪見玉皇神仙傳元圃闕苑環以弱水九

重非飈車羽輪不可到

蒲津河亭在同州

唐彥謙

宿雨清秋霽景澄廣庭高榭更晨興烟橫博望乘槎水

張騫封博望侯嘗泝河乘槎直至天河見牛女寶歷中嘗詔有司取其槎以進見因話錄日上丈王

避雨陵孤棹夷猶期獨往楚詞君不曲欄愁絕每長凭

思鄉懷古多傷別此際哀吟意不勝

已上七首

感懷

劉長卿

秋風落葉正堪悲黃菊殘花欲待誰
水近偏逢寒氣早山深長見日光遲
愁中卜命看周易夢裏招魂誦楚詞
宋玉招魂帝告巫陽曰有人在下
我欲輔之冤鬼離散汝筮與之
自笑不如湘浦雁飛來即是北歸時

輞川積雨

在藍田縣

王維

積雨空林烟火遲蒸藜炊黍餉東菑漠漠水田飛白鷺

陰陰夏木嘒黃鸝

李肇謂水田飛白鷺夏木嘒黃鸝乃李嘉祐詩王維但增二字而已

山

中習靜觀朝槿

習靜猶坐禪張籍有和陸司業習靜詩

取瞬之義

松下清齋折露葵

史謂維末年長齋奉佛故詩有此語按顏氏家訓蔡朗父諱純

遂呼蓴

為露葵而墻者效之

有士人聘齊主客郎李恕

問江南有露葵否答曰露葵是蓴水鄉所出今所食者綠葵耳此詩云松下折之豈亦誤以為綠葵耶然七啟云霜蓴露葵注曰葵宜露意維或本此

人爭席罷

列子往見壺丘子道中舍者避席及見壺子歸則舍者爭席

海鷗何事更

相疑

莊子海上翁每之海上則羣鷗隨之

後欲取之機心一萌鷗鳥不下

石門春暮

在濟南府臨邑縣

錢起

自笑鄙夫多野性，貧居數畝半臨谿。
雲雜雨來茅屋

山雀將雛傍藥欄

資暇集云園亭中之藥欄藥即欄欄即藥非花藥之欄也按蘇林曰以竹

連綿為禁藥使人不得往來

仙籙滿床閒不檢

一作厭非北夢瑣言法籙外別有一百二

十法天陰符在篋老羞看

蘇秦受太公陰符于鬼谷子

更憐童子宜

春服花裏尋師到杏壇

酌慈恩文郁上人

賈島

袈裟影入禁池清，猶憶鄉山近赤城。

孔靈符會稽記曰赤城山色亦狀似

雲霞今在
天台縣

籬落罅間寒蟹過莓苔石上晚蛩行期登野

閣閒應甚阻宿幽房疾未平聞說又尋南岳去無端詩
思忽然生

江亭秋霽

李郢

碧天涼冷雁來疎閒看江雲思有餘秋館池亭荷葉後
或作
歌非
野人籬落苴花初無愁自得山翁術多病能忘太

史書聞說故園香稻熟片帆歸去就鱸魚

漢南春望

薛能

獨尋春色上高臺三月皇州駕未回

僖宗之亂凡五幸興元

幾處

松筠燒後死誰家桃李亂中開姦邪用法元非法

謂田令孜

華

唱和求才不是才

唐末年進士皆尚浮薄之文無實用至謂挽一石弓不如識一丁字

天下遂亂

自古浮雲蔽白日洗天風雨幾時來

武王伐紂大雨太公謂之

雨洗兵

春夕旅懷

崔塗

水流花謝兩無情送盡東風過楚城蝴蝶夢中家萬里

杜鵑枝上月三更故園書動經年別華髮春惟滿鏡一作

兩
鬢生自是不歸歸使得五湖烟景有誰爭

長陵

三輔黃圖云長陵在渭北高祖所葬

唐彥謙

長陵高闕此安劉

高祖曰安劉氏者必勃也此借用

附葬繫纍盡列侯

豐上舊居無故里

高祖生于豐秦為泗水郡今徐州豐縣無故里者蓋高祖常徙豐民于驪

邑沛中原廟對荒丘

高祖起兵于沛漢書叔孫通願為原廟注原重也先有廟今更立也

耳聞英主提三尺

高祖曰吾以布衣持三尺劍取天下

眼見愚民盜一抔

張釋之曰他日有愚民盜長陵一抔土將何以罪之

千載豎儒騎瘦馬渭城斜日

重回頭

高祖罵酈食其曰豎儒幾敗乃翁事詩意謂帝昔慢儒生今日陵寢廢掘使豎儒憑弔千載也

咸陽

韋莊

城邊人倚夕陽樓樓上雲凝萬古愁山色不知秦苑廢
水聲空傍漢宮流李斯不向倉中悟徐福應無物外遊

李斯少為小吏見廁鼠食不潔見人數驚觀倉中鼠食粟居大廡下不憂歎曰人之賢不肖亦猶是矣乃從荀卿學後相秦廣異記曰徐福字君房始皇遣福入海尋神仙不返唐開元中有於海中見之者莫怪楚吟偏斷骨野煙蹤跡似東周
言秦滅東周今其故都與周俱為亡國之跡

已上九首

結句

欲到西陵寄王行

李紳

西陵沙岸回流急

西陵渡在蕭山縣西錢王以陵非吉語改曰西興

船底黏沙

去岸遙驛吏遞呼催下纜棹郎閒立道齊橈猶瞻伍相

青山廟未見雙童白鶴橋欲責舟人無次第自知貪酒

過春潮

洗行

王貞白

道院竹繁教畧洗

洗芟也

鳴琴酌酒看扶疎不圖結實來

雙鳳且要長竿釣巨魚錦籜裁冠添散逸

漢祖以竹皮為冠

玉

茅修饌稱清虛有時記得三天事自向琅玕節下書

以謂

竹為
簡也

惜花

韓偓

皺白離情高處切
膩紅愁態靜中深
眼隨片片沿流去
恨滿枝枝被雨淋
總得苔遮猶慰意
若教泥污更傷心
臨堦一盞悲春酒
明日池塘是綠陰

過九原飲馬泉

在豐州

李益

綠楊着水草如煙
舊是胡兒飲馬泉

鵲泉在豐州城
北又名飲馬泉

幾處吹笳明月夜

晉劉琨為敵騎所圍乃乘月登樓奏笳賊流涕棄圍去

何人倚

劒白雲天

宋玉大言賦長劒耿耿倚天外

從來凍合關山道今日流分

漢使前莫遣行人照容鬢恐驚憔悴入新年

已上四首

詠物

崔少府池鷺

雍陶

雙鷺應憐水滿池風飄不動頂絲垂立當青草人先見
行傍白蓮魚未知一足獨拳寒雨裏數聲相叫早秋時

林塘得爾須增價況與詩家物色宜

鷓鴣

鄭谷

暖戲烟蕪錦翼齊品流應得近山雞
雨昏青草湖邊過
花落黃陵廟裏啼
遊子乍聞征袖濕
佳人纔唱翠眉低
樂府有鷓鴣詞相呼相喚湘江曲
苦竹叢深春日西

緋桃

唐彥謙

短牆荒圃四無隣
烈火緋桃照地春
坐久好風休掩袂
夜來微雨已沾巾
敢同俗態期青眼
似有微詞動絳唇

盡日更無鄉井念此時何必見秦人

牡丹

羅鄴

落盡春紅始見花花時比屋事豪奢買栽池館恐無地
看到子孫能幾家門倚長衢攢繡輓幄籠輕日護香霞
歌鐘滿座爭歡賞肯信流年鬢有華

牡丹

羅隱

似共東風別有因絳羅高捲不勝春若教解語應傾國
任是無情也動人芍藥與君為近侍


埤雅曰世稱牡丹花王芍藥花相

芙蓉何處避芳塵可憐韓令功成後辜負穠華過此身
藝苑雌黃曰韓弘罷宣武始至長安第
中有牡丹命斲之曰吾豈效兒女輩耶

梅花

吳王醉處十餘里照野拂衣今正繁經雨不隨山鳥散
倚風知共路人言愁憐粉艷飄歌席靜愛寒香撲酒樽
欲寄所思無好信為君惆悵又黃昏

已上六首



三體唐詩卷四

欽定四庫全書

集部

三體唐詩卷

五

詳校官庶吉士

臣朱理

助教

臣

常循覆勘

總校官進士

臣

繆琪

校對官編修

臣

勵守謙

謄錄監生

臣

邵敬修

欽定四庫全書

三體唐詩卷五

宋 周弼 編

詹事府詹事高士奇輯注

四寶

早春遊望

杜審言

獨有宦遊人偏驚物候新雲霞出海曙梅柳渡江春

本集

題云和晉陵丞早春遊望此二句蓋晉陵遊望之景

淑氣催黃鳥晴光轉綠蘋忽

聞歌古調

古一作苦

歸思欲沾巾

遊少林寺

在河南嵩山

沈佺期

長歌遊寶地徒倚對珠林

佛經黃金七寶為地摩尼珠為林

雁塔風霜

古

佛書西域有比丘見羣雁飛乃曰可充我食雁即墮地佛曰此雁王也不可食乃立雁塔龍池歲

月深紺園澄夕霽

謂園葉紺碧夕陽照之如水色之澄

碧殿下秋陰歸路

烟霞晚山蟬處處吟

晚至華陰

皇甫曾

臘盡促歸心行人及華陰雲霞仙掌出

王涯太華仙堂辨云西嶽太華

之首峯有五崖自下遠望儼如掌形

松柏古祠深

元宗太華銘云壇場廟宇何代不修一禱三祠

無歲而缺 野渡冰生岸寒川燒隔林溫泉看漸近宮樹晚沉

沉

經廢寶慶寺

司空曙

黃葉前朝寺無僧寒殿開池晴龜出曝松暝鶴飛回古
砌碑橫草陰廊書雜苔禪宮亦消歇塵世轉堪哀

次北固山下

英靈集題
作江南意

王灣

客路青山外行舟綠水前

英靈集作南國多
新意東行伺早天

潮平兩岸

澗風正一帆懸海日生殘夜江春入舊年鄉書何處達

歸雁洛陽邊

岳陽晚景

張均

晚景寒鴉集秋風旅雁歸
水光浮日去霞彩映江飛
洲白蘆花吐園红柿葉稀
長沙卑濕地九月未成衣

晚發五溪

蜀先主于五溪立黔安郡今肇慶府也
五溪者酉溪辰溪平溪武溪沅溪也

岑參

客厭巴南地鄉隣劍北天
江村片雨外野寺夕陽邊
茅葉藏山徑蘆花間渚田
舟行未可住乘月且須牽

仲夏江陰官舍寄裴明府

李嘉祐

萬室邊江次孤城對海安朝霞晴作雨濕氣晚生寒苔

色侵衣桁

謂梅燕

潮痕上井欄題詩招茂宰

謝元暉詩茂宰深遐眷蓋

卓茂為令有聲故詩人用以比宰邑者

思爾欲辭官

山行

殷遙

寂歷青山曉山行趣不稀
野花成子落江燕引雛飛
暗草薰苔徑晴楊拂石磯
俗人猶語此余亦轉忘歸

送陸明府之盱眙

崔峒

陶令之官去離愁慘別魂白烟連海戍紅葉近淮村遠
浪搖山郭平蕪到縣門政成堪吏隱

汝南先賢傳鄭欽
吏隱于蟻陂之陽

免負府公恩

溪南書齋

楊發

茅屋往來久山深不閉門草生垂井口花落擁籬根入
院將雛鳥攀蘿抱子猿曾逢異人說風景似桃源

泊揚子岸

揚子橋去揚
州城十五里

祖詠

纔入淮揚郡鄉關此路遙
林藏初霽雨風退欲歸潮
江火明沙岸雲帆礙浦橋
客衣今日薄寒氣近來饒

新秋寄樂天

劉禹錫

月露發光彩此時方見秋
夜涼金氣應天靜火星流
蟲響偏依井螢飛直過樓
相知盡白首清景復追遊

意謂
彼已

皆老復事追遊
乎言不復也

秋日送客至潛水驛

候吏立沙際田家連竹溪
楓林社日鼓茅屋午時雞
雀

噪晚禾地蝶飛秋草畦驛樓宮樹近疲馬再三嘶

得日觀東房

李質

曾入桃源路桃源信少雙洞霞飄素練壁蘚畫陰窓古

木疑撐月危峰欲墮江自吟空向寂誰與倒秋缸

唐詩紀事

云質襄陽人應舉無成往遊豫章遇寇倉皇去得日觀東房攜一壺上樓朗吟此詩如有人曰土主尚書在此質後登第果領豫章

北固晚眺

竇常

水國芒種後梅天風雨涼露蠶開晚簇

露蠶謂露養于外自淮以西其

俗皆然每至晚晴連屋開
箔望之如雪簇蠶箔也

江燕語危檣山址北來固潮

頭西去長年年此登眺人事幾銷亡

送可久歸越中

賈島

石頭城下泊

建康實錄石頭城九里即今清涼寺

北固暝鐘初汀鷺衝潮

起船窓過月虛吳山侵越衆隋柳入唐疎日欲供調膳

調膳謂養親也

辟來何府書

薛登疏曰漢取士必觀其行閭里推舉然後府寺辟

新安江行

徽州隋改為新安郡

章八元

江源南出永

浙江源出徽州

野飯暫維綃

海賦維長綃李善注綃帆船也

古戍

懸魚網空林露鳥巢雪晴山脊現沙淺浪痕交自笑無
媒者逢人作解嘲

三月五日汎長沙東湖

張又新

上巳餘風景芳辰集遠垌

爾雅林外謂之垌

湖光迷翡翠草色

醉蜻蜓鳥弄桐花日魚翻穀雨萍從今留勝會誰看畫

蘭亭

畫記有蘭亭修禊圖按本集此篇乃長律蓋伯弼擷而為此既非警句不知何以取也

送人入蜀

李遠

蜀客本多愁今君是勝遊
碧藏雲外樹紅露驛邊樓
杜

宇呼名語巴江學字流

巴州志江水屈曲成巴字故曰字江亦曰巴江不知烟

雨夜何處夢刀州

七里灘

在嚴州俗云有風七里無風七十里

許渾

天晚日沉沉孤舟繫柳陰江村平見寺山郭遠聞砧樹

密猿聲響波澄雁影深榮華暫時事誰識子陵心

嚴子陵釣

臺在灘側

孤山寺

在錢塘以其獨峙湖中故名

張祜

樓臺聳碧岑一徑入湖心不雨山長潤無雲水自陰斷

橋荒蘚合空院落花深猶憶西窓夜鐘聲出北林

惠山寺

無錫縣西七里

舊宅人何在空門客自過泉聲到池盡

惠山泉天下第二泉

山色

上樓多小洞穿斜竹重堦夾細莎殷勤望城市雲外暮

鐘和

登蒲澗寺後二巖

南越志菖蒲澗在熙安縣咸安中姚成甫于澗側遇丈人曰此

菖蒲安期生所種

李羣玉

五仙騎五羊何代降茲鄉

寰宇記高固為楚相有五仙人騎五色羊持穀穗遺州人

因呼為澗有堯時韭廣州蒲澗寺產菖蒲十六節呂氏春秋曰菖蒲亦名堯韭山餘

禹日糧南越志大禹取藤根為糧饑年人食之名禹餘糧樓臺籠海色草樹發

天香浩笑烟波裏浮溟興甚長

送僧還南海

李洞

春往南海邊秋聞半夜蟬鯨吞洗鉢水崔豹古今注鯨魚大者長十里

小者長數千丈犀觸點燈船交州記犀牛毛如豕頰如馬鼻上頂上額上各一角島嶼分

諸國星河共一天長安却回日松偃舊房前元奘往西域房前有

松其枝西偃忽一日枝東
偃弟子曰師歸矣果然

鄂北李生舍

圭峰秋後夜

圭峰在終南山

亂葉落寒虛四百竿竹二三千

卷書雲深猿盜栗雨霽螳沾蔬只隔門前水如同萬里

餘

塞上

司空圖

萬里隋城在

隋大業三年築長城

三邊虜氣衰沙填孤障角

蒼頡篇障

城燒斷故關碑馬色經寒慘鵬聲帶晚悲

木集作饑

將軍正

閒暇留客換歌辭

寄永嘉崔道融

旅寓雖難定，乘閒足勝遊。碧雲蕭寺霽，紅樹謝村秋。

梁姓

蕭每寺大書蕭字，故曰蕭寺。謝靈運嘗守永嘉，今石帆鄉有謝公嶺。戍鼓和潮暗，船牕照

島幽。詩家多滯此，風景似相留。

泊靈溪館

天台賦：過靈溪而一濯。李善曰：溪名也。

鄭巢

孤吟疎雨絕，荒館亂峰前。曉鷺棲危石，秋萍滿敗船。溜

從華頂落

華頂峰在天台縣東北三十里

樹與赤城連，已有求閒意相

期在暮年。

甘露寺

圖經云李德裕所建
甘露降遂以名寺

孫鮐

寒暄皆有景孤絕畫難形地拱千尋嶮天垂四面青
畫燈籠雁塔夜磬徹漁汀最愛僧房好波光滿戶庭

江行

李咸用

瀟湘無事後征棹復嘔啞高岫留殘照歸鴻背落霞
魚依沙雁草蝶寄汙流槎共說干戈苦汀洲減釣家

春日野望

李中

野外登臨望蒼蒼烟景昏暖風醫病草甘雨洗荒村
雲

散天邊影潮回島上痕故人不可見倚杖役吟魂

勝果寺

在杭
州

僧處默

路自中峰上盤回出薜蘿到江吳地盡隔岸越山多古
木叢青靄遙天浸白波下方城郭近鐘磬雜笙歌

靜林寺

在安吉州
梁武曾遊

靜林溪路遠蕭帝有遺蹤水擊羅浮磬山鳴于闐鐘羅浮

山名于闐國名二物
未詳豈寺所有耶

燈傳三世火

謂燈
長明

樹老五株松

始
皇

避雨五松下封為五大
夫此以比蕭帝曾遊

無數烟霞色空聞昔卧龍

已上三十四首

秋夜同梁錙文宴

錢起

客到衡門下杯香蕙草時好風能自至明月不須期秋

水翻荷影

謂荷葉倒影水中惟見葉背故曰翻

清霜脆柳枝微官是何物

許日廢吟詩

望秦川

李頎

秦川朝望迴日出正東峰遠近山河淨逶迤城闕重秋

聲萬戶竹

史記渭川千畝竹其人與萬戶侯等

寒色五陵松客有歸歟歎

淒其霜露濃

池上

白居易

嫋嫋涼風動淒淒寒露零
蘭衰花始白荷破葉猶青
獨立樓沙鶴雙飛照水螢
若為寥落境仍值酒初醒

西陵夜居

吳融

寒潮落遠汀暝色入柴扃
漏永沉沉靜燈孤的的青
林風移宿鳥池雨定流螢
盡夕成愁絕啼螢莫近庭

旅遊傷春

李昌符

酒醒鄉闕遠迢迢聽漏終曙分林影外春盡雨聲中鳥
倦江村路花殘野岸風十年成底事羸馬厭西東

春山

僧貫休

重疊太古色濛濛花雨時好山行恐盡流水語相隨黑
壤生紅朮黃猿領白兒因思石橋路

石橋在天台縣百五十里

曾與

道人期

已上六首

送懷州吳別駕

岑參

灞上柳枝黃

開元遺事曰長安東灞陵有橋于此送別

壚頭酒正香春流飲

去馬暮雨濕行裝驛路通函谷

函谷關有二自陝州至靈寶縣南秦函谷也自

靈寶至河南府新安縣東漢函谷也武帝為楊僕移于此

州城接太行覃懷人總喜

書覃懷底績別駕得王祥

高官谷贈鄭鄠

谷口來相訪

鄭子真隱谷口此借以比鄭鄠

空齋不見君澗花然暮雨

潭樹暖春雲門徑稀人跡簷峰下鹿羣衣裳與枕席山

靄碧氛氲

山居即事

王維

寂寞掩柴扉，蒼茫對夕暉。
鶴巢松樹遍，人訪華門稀。
綠竹含新粉，紅蓮落故衣。
渡頭燈火起，處處採菱歸。

題薦福寺衡岳禪師房

韓翃

春城乞食還，高論此中閒。
僧臘階前樹，禪心江上山。
疎簾看雪卷，深戶映花關。
晚送門人去，鐘聲杳霭間。

送史澤之長沙

司空曙

謝朓懷西府

齊書曰：謝朓為隨王文學，在荊州。單車觸世祖勅，還都道中為詩以寄西府。

火雲

漢張覃為廣陵刺史單車之職

野蕉依戍客

長沙多蕉可為布劉言史長沙謠云夷女

採山蕉緋約浸江水

廟竹映湘君

博物志洞庭山帝二女居之涕下揮竹竹盡斑

夢渚巴

山斷長沙楚路分一杯從別後風月不相聞

送裴侍御歸上都

張謂

楚地勞行役秦城罷鼓鞳舟移洞庭岸路入武陵溪江月隨人影山花趁馬蹄離魂將別夢先爾到關西

過蕭關

張蠟

得出蕭關北儒衣不稱身隴狐來試客沙鶻下欺人曉

成殘烽火晴原起獵塵邊戎莫相忌非是霍家親

霍去病為

驃姚將軍

秋夜宿僧院

劉得仁

禪寂無塵地焚香話所歸樹搖幽鳥夢螢入定僧衣破
月斜天半高河下露微翻令嫌白日動即與心違

宿宣義池亭

暮色遶柯亭南山幽竹青夜深斜舫月風定一池星
島嶼無人迹菰蒲有鶴翎此中休便得何必泛滄溟

送殷堯蕩遊山南

姚合

詩境西來遠秋聲晝夜蛩人家連水影驛路在山峰溪
靜雲生石天晴雪覆松我為公府繫不得此相從

題李嶷幽居

賈島

閒居少隣並草徑入荒園鳥宿池邊樹僧敲月下門過
橋分野色移石動雲根暫去還來此幽期不負言

金山寺

在鎮江府大江中圖經云裴頭陀開山得金故號金山

張祜

一宿金山寺微茫水國分僧歸夜船月龍出曉堂雲樹

影中流見鐘聲兩岸聞因悲在城市終日醉醺醺

商山早行

在商州四皓隱處

溫庭筠

晨起動征鐸

鐸征車上鈴也

客行悲故鄉雞聲茅店月人迹板

橋霜樹葉落山路

許渾云木樹池治多有謂之水松

枳花明驛牆因思

杜陵夢見雁滿回塘

杜陵在萬年縣漢宣以杜東原為陵故曰杜陵

秋日送方干遊上元

上元縣在建康府

曹松

天高淮泗白料子趣修程汲水疑山動揚帆覺岸行雲

離京口樹岸入石頭城後夜分遙念諸峰霧露生

寄陸睦州

陸名肱棠嘗
為其從事

許棠

下國多高趣終年半是吟
汐潮通越分

說文朝曰
潮夕曰汐

部伍

雜蠻音曉郭雲藏市春山鳥護林東遊雖未遂日日至

中心

已上十五首

與崔員外秋直

禁中
直宿

王維

建禮高秋夜

蔡質漢官典職曰尚書郎晝
夜更直五日于建禮門外

承明候曉過

承明廬在
石渠閣右

九門寒漏徹萬井曙鐘多月迴藏珠斗雲銷

出絳河更慚衰朽質南陌共鳴珂

送東川李使君

萬壑樹參天千山響杜鵑山中一夜雨樹杪百重泉漢

女輸寶布

漢書曰秦置黔中郡漢興令大人輸布一疋小口二丈是謂寶布十六國春秋常璩志云

岩渠古寶國姓芋

巴人訟芋田

蜀都賦曰瓜田芋區又蜀卓氏以芋致富

文翁翻教

授不敢倚先賢

漢文翁為蜀太守選郡吏詣京受業每出行從學官諸生吏民化之蜀學比齊

魯馬

送楊長史赴果州

今順慶府

猿斜不容憶

劉良曰憶車網也

之子去何之鳥道一千里猿聲

十二時官橋祭酒路山木女郎祠

漢法上客曰祭酒果州金華山中有觀乃

神女謝自然祠

別後同明月君應聽子規

赴京途中遇雪

孟浩然

迢遞秦京道蒼茫歲暮天窮陰連晦朔積雪遍山川落雁迷沙渚饑鳥噪野田客愁空佇立不見有人烟

早行

郭良

早行星尚在數里未天明不辨雲林色空聞流水聲月

從山上落河入斗間橫漸至重門外依稀見洛城

宿荆溪館呈丘義興

義興今常州宜興縣避
太宗舊諱改義曰宜

嚴維

大路荆溪上依仁忽暝投長橋今夜月陽羨古時野
燒明山郭寒更出縣樓先生能館我何事五湖遊

漂母墓

劉長卿

昔賢懷一飯茲事已千秋古墓樵人識

東西家在淮陰
縣北八里莊東

冢韓信母墓
西冢漂母墓

前朝楚水流渚蘋行客薦山木杜鵑愁春

草年年綠王孫舊此遊

湖中間夜

朱餘慶

釣艇同琴酒良宵背水濱風波不起處星月盡隨身浦
迴湘雲卷林香嶽氣春誰知此中興寧羨五湖人

已上八首

四虛

陸渾山莊

河南府伊陽縣
即漢陸渾縣

宋之問

歸來物外情負杖閱巖耕源水看花入幽林採藥行野

人相問姓山鳥自呼名去去獨吾樂無能媿此生

新年作

鄉心新歲切天畔獨潛然老至居人下春歸在客先嶺

猿同旦暮江柳共風烟已似長沙傳從今又幾年

之問得罪

睿宗貶徙欽州故有是語

喜鮑禪師自龍山至

九域志太平州有龍山桓溫九日遊處

劉長卿

故居何日下春草欲芊芊猶對山中月誰聽石上泉猿

聲知後夜

禪家有初夜中夜後夜

花發見流年杖錫閒來往無心

到處禪

酬秦系

鶴書猶未至

蕭子良古今篆隸文體曰鶴頭書與偃波書俱詔板所用漢謂之尺一簡

那出

白雲來

自注云秦系頃以家事獲謫因出昌山欲歸未遂

舊路經年別寒潮每

日回家空歸海燕人老發江梅最憶門前柳閒居手自

栽

送朱放賊退後往山陰

朱放襄陽人字長通

越中初罷戰江上送歸橈南渡無來客西陵自落潮空
城垂故柳舊業廢春苗間里稀相見鶯花共寂寥

尋南溪常道人隱居

一路經行處莓苔見履痕白雲依靜渚青草閉閑門
過雨看松色隨山到水源溪花與禪意相對亦忘言

題元錄事所居

幽居蘿薜情高卧紀綱行

送錄事詩多稱紀綱者蓋喬琳歷四州刺史常謂錄事任

洛曰子紀綱一州能效刺史乎唐錄事亦以糾察為職故六帖曰錄事名糾司鳥散秋鷹下人

閒春草生冒嵐歸野寺收印出山城今日新安郡因君
水更清

寄靈一上人

高僧本姓竺

生法師
姓竺

開士舊名林

佛經有十六開
士支遁字道林

一去

春山裏千峰不可尋新年芳草遍終日白雲深欲徇微
官去懸知訝此心

已上八首

除夜宿石頭驛

戴叔倫

旅館誰相問寒燈獨可親
一年將盡夜萬里未歸人
寥落悲前事支離笑此身
愁顏與衰鬢明日又逢春

汝南別董校書

汝南今蔡州

擾擾倦行役相逢陳蔡間
如何百年內不見一人閒
對

酒惜餘景問程愁亂山秋風
萬里道又出穆陵關

表海圖穆

陵關在淄州兩山間所謂南至于穆陵者也

江上別張勸

年年五湖上厭見五湖春
長醉非關酒多愁不為貧
山

川迷道路伊洛暗風塵今日扁舟別俱為滄海人

送丘為落第歸江東

王維

憐君不得意況復柳條春為客黃金盡還家白髮新五

湖三畝宅

為英
郡人

萬里一歸人知爾

一作知
孔融薦
衡

不能薦

羞稱獻納臣

岳州逢司空曙

李端

共有髫年故相逢萬里餘新春兩行淚故國一封書

本集

題云逢司空
得家書

夏口帆初落潯陽雁正踈唯應執杯酒暫食

漢江魚

襄陽者舊傳漢水中有魚甚美

洛陽早春

顧況

何地避春愁，終年憶舊遊。
一身千里外，百舌五更頭。
客路偏逢雨，鄉山不入樓。
故園桃李月，伊水向東流。

送陸羽

皇甫曾

千峰待逋客

北山移文曰：為君謝逋客。

香茗復叢生

羽嗜茶有茶山在顧渚，嘗著茶

經採摘知深處，烟霞羨獨行。
幽期山寺遠，野飯石泉清。

寂寂然燈夜，相思磬一聲。

贈喬尊師

張鴻

長忌時人識有家雲澗深性惟耽嗜酒貧不破除琴靜

鼓三通齒

酉陽雜俎曰學道須鳴天鼓以召衆神左齒相扣為天鐘右齒相扣為天磬中央上下相

扣為天鼓

頻湯一味參

本草人參上知師最知我相引坐櫪品食之長年

陰

客中

于武陵

楚人歌竹枝游子淚沾衣異國久為客寒宵頻夢歸一封書未返千樹葉皆飛南過洞庭水更應消息稀

長安春日

曹松

浩浩看花晨六街
揚遠塵塵中一丈日
誰是宴眠人御柳
垂著水野鶯啼破
春徒云多失意猶
自惜離秦

已上十首

題破山寺後院

在常熟縣

常建

清晨入古寺
初日照高林
曲徑通幽處
禪房花木深
山光悅鳥性
潭影空人心
萬籟此俱寂
惟聞鐘磬音

暮過山村

賈島

數里聞寒水山家少四隣怪禽啼曠野落日恐行人初
月未終夕邊烽不過秦蕭條桑柘外烟火漸相親

山中道士

頭髮梳千下

陶弘景曰櫛頭理髮欲得過多

休糧帶瘦容養雛成大鶴

種子作高松白石通宵煮

真誥曰斷穀入山當煮白石昔白石子以石為糧寒

泉盡日春不曾離隱處那得世人逢

贈山中日南僧

張籍

獨向雙峰老

雙峰五祖山

松門間兩厓翻經吐蕉葉掛衲落藤

花

謂看經之久而蕉葉吐掛袖不出山而藤花落皆形容其久居山中

甃石新開井穿林

自種茶時逢海南客蠻語問誰家

日南屬交州郡故曰蠻語桓溫謂郝

隆曰卿那得作蠻語

田家

章孝標

田家無五行水旱卜蛙聲牛犢乘春放兒孫候暖耕池
塘烟未歇桑柘雨初晴歲晚香醪熟村村自送迎

春原早望

一忝鄉書薦長安未得回年光逐渭水春色上秦臺

與地

廣記天興縣鳳
臺泰穆公所築

燕掠平蕪去人街細雨來東風生故里

又過幾花開

已上六首

三體唐詩卷五

欽定四庫全書

三體唐詩卷六

宋 周弼 編

詹事府詹事高士奇輯注

前虛後實

雲陽館與韓升卿宿別

雲陽縣在京兆

司空曙

故人江海別幾度隔山川
乍見翻疑夢相悲各問年
孤燈寒照雨深竹暗浮烟
更有明朝恨離杯惜共傳

酌暢當

耿緯

同游漆沮後

輿地廣記曰漆沮不一惟雍州富平縣石川河乃禹貢漆沮

已是十年

餘幾度曾相夢何時定得書月高城影盡霜重柳條疎
且對樽前酒千般想未如

寄友人

張翥

世道復何如東西遠索居長疑即見面翻致久無書
麥深藏雉淮苔淺露魚相思不我會明月幾盈虛

送喻坦之歸睦州

李頻

歸心常共知歸路不相隨彼此無依倚東西又別離
山

雲含雨潤江樹逆潮欹莫戀漁樵興人生各有為

已上四首

送李給事歸徐州覲省

孫逖

列位登青瑣還鄉服綵衣共言晨省日便是晝游歸
春水經梁宋晴山入海沂莫愁東路遠四牡正駢駢

送溧水唐明府

韋應物

三為百里宰已過十餘年祇嘆官如舊旋聞邑屢遷
魚鹽濱海利桑柘傍湖田到此民安俗琴堂又宴然

送王錄事赴虢州

岑參

早歲即相知，嗟君最後時。青雲仍未達，黑髮欲成絲。小

店關門樹

函谷關也

長河華嶽祠，弘農民吏待。

虢州靈寶縣弘農故地

莫遣馬行遲

別鄭曦

郎士元

暮蟬不可聽，落葉豈堪聞。共是悲秋客，那知此路分。荒城背流水，遠雁入寒雲。陶令門前菊，餘花可贈君。

送韓司直

皇甫冉

遊吳還適越來往任風波復送王孫去其如芳草何山

明殘雪在潮滿夕陽多季子留遺廟

皇覽冢墓記季子家在毘陵縣暨陽

鄉至今吏民祀事

停舟試一過

途中送權曙

皇甫曾

淮海風濤起江關幽思長同悲鵲遶樹獨作雁隨陽

尚書

注云隨陽之鳥鴻雁之屬

山晚雲和雪天寒月照霜由來濯纓處漁

父愛滄浪

酌普選二上人

嚴維

本意宿東林因聽子賤琴遙知大小朗

傳燈錄惠朗禪師號大朗振朗

禪師號小朗

已斷去來心

佛經過去未來現在心不可得

夜靜溪聲近庭寒

月色深寧知塵外意定後更成吟

送鄭宥入蜀

李端

寧親西陟險君去異王陽

漢王陽為益州刺史至九折坂嘆曰奈何奉先人遺體乘

此險因回車

在世誰非客還家即是鄉劍門千轉盡

大劍山即劍門

也已水一支長

嘉陵江潼江小劍水皆已水也

請語愁猿道無煩促淚

行

杭州郡齋南亭

姚合

符印懸腰下東山不得歸
獨行南北近漸老往還稀
迢迢荀侵窗長驚蟬出樹
飛田田池上葉長是使君衣

日東病僧

項斯

雲水絕歸路來時風送船
不言身後事猶坐病中禪
深壁藏燈影空窗出艾烟
已無鄉土夢起塔寺門前

送友人下第歸覲

劉得仁

君此北行日高堂應夢歸
莫將和氏淚滴著老萊衣
獄

雨連河細田禽出麥飛到家調膳後吟好送斜暉

南遊有感

于武陵

杜陵無厚業不得駐車輪重到曾遊處多非舊主人東風千里樹西日一洲蘋又渡湘江去湘江水復春

早春寄華下同志

裴說

正是花時節思君寢復興市沽終不醉春夢亦無憑嶽面懸清雨河心走濁水東門一條路離恨正相仍

劉良曰東

門長安城門
別離之地

途中別孫璐

方干

道路本無限，又應何處逢。
流年莫虛擲，華髮不相容。
野渡波搖月，寒城雨翳鐘。
此心隨去馬，迢遞過重峰。

送友及弟歸浙東

南行無俗侶，秋雁與寒雲。
野趣自多愜，名香本集作香名人

共聞吳山中路斷，淞水半江分。
此地登臨慣，攄情一送君。

春宮怨

杜荀鶴

早被嬋娟誤欲粧臨鏡慵承恩不在貌教妾若為容風
暖鳥聲碎日高花影重年年越溪女相憶採芙蓉

劉良曰笑

蓉美花思如盛
年採此自傷也

辭崔尚書

李頻

一飯仍難受淹留已半年終期身可報不擬骨空鵲城
晚風高角江春浪起船曾同棲止地獨去塞鴻前

下方

司空圖

三十年來往中間京洛塵倦行今白首歸卧已清神坡

暖冬生

一作抽

笋松涼夏健人更慚徵詔起避世迹非真

據舊史巢賊亂國還河中王徽表為副使不起召為知制誥乃起此詩豈赴召時作邪

華下送文浦

郊居謝名利

舊史云河北亂國寓華陰

何事最相親漸與論詩久皆

知得句新川明虹照雨樹密鳥衝人應念從今去還來
嶽下頻

游東林寺

黃滔

平生愛山水下馬虎溪時已到終嫌晚重游預作期寺

寒三伏雨松偃數朝枝翻譯如曾見白蓮開滿池

廬山記謝

靈運游東林翻涅槃經且鑿池植蓮其中詩意謂見白蓮猶見靈運

已上二十首

送僧還嶽

周賀

辭僧下水棚因聽嶽鐘聲遠路獨歸寺幾時重到城風
高寒木落雨絕夜堂清自說深居後隣州亦不行

送人歸蜀

馬戴

別離楊柳陌迢遞蜀門行若聽清猿後應多白髮生
虹

蛭侵棧道

大安軍棧道連空天下至險又利州至三泉橋棧閣共一萬九千三百十八間護險偏關

共四萬七千七百三十四間此詩下句言雨雪不應有虹蛭然杜公石龕詩亦曰仲冬見虹蛭蓋蜀土之候也

雨雪雜江聲過盡愁人處烟花是錦城

經周處士故居

方干

愁吟與獨行何事不關情久立釣魚處惟聞啼鳥聲
山花和雨歇海樹入雲生吾在茲溪上懷君恨不平

送人歸山

石名

相逢惟道在誰不共知貧歸路分殘雨停舟別故人霜

明松嶺曉花暗竹房春亦有樓閒意何年可寄身

送友人歸宜春

張喬

落花蕪柳絮無處不紛紛遠道空歸去流鶯獨自聞野

橋喧碓水山郭入樓雲故里南陵曲秋期更送君

南陵屬宣

州喬初隱九華後寓居長安延興門外意謂我亦思故里況復送君喬居延興門見鄭谷詩集

已上五首

秋日別王長史

王勃

別路餘千里深恩重百年正悲西候日

西候秋日也

更動北

梁篇

江淹別賦曰訣北梁兮永辭張銑曰北梁分別之地

野色籠寒霧山光斂暮

烟終知難再奉懷德自潛然

汝墳別業

汝墳今潁州

祖詠

失路農為業移家到汝墳獨愁常廢卷多病久離羣鳥

雀垂窗柳虹蜺出澗雲

筆談曰世傳虹蜺入溪澗飲水信然

山中無外事

樵唱有時聞

宣州使院別韋應物

劉長卿

白雲乖始願滄海有微波戀舊爭趨府臨危欲負戈春

歸花殿暗秋傍竹房多耐可機心息

本集題云宣州使院夜宴寂上人留

別事使君故有白雲及息機之句皆對寂公發也

其如羽檄何

送陸潛夫延陵尋友

皇甫冉

登山自補屐訪友不齋糧坐歇青松晚行吟白日長人

烟隔水見草氣入林香誰作招尋侶清齋宿紫陽

紫陽觀在

延陵按劉長卿亦有同李延陵宿紫陽觀侯尊師草堂詩

夏夜西亭即事

耿緯

高亭賓客散暑夜最相和細汗凝衣集微涼待扇過風

還池色定月晚樹陰多遙想隨行者隨行隨朝行者珊珊動曉珂

庭春

姚合

塵中主印吏誰遣有高情趣暖簷前坐尋芳樹底行土融凝野色冰敗滿池聲漸覺春相泥朝來睡不輕

新春

官早長少事縣僻又無城未曉衝寒起迎春忍病行樹枝風掉軟茅甲土浮輕最好林間鵲今朝足喜聲

已上七首

晚春答嚴少尹諸公見過

王維

松菊荒三徑圖書共五車
烹葵邀上客看竹到貧家
雀乳先春草鶯啼過落花
自憐黃髮暮一倍惜年華

送王正字山寺讀書

李嘉祐

欲究先儒教還過支遁居
藤堦閒聽法竹寺獨看書
向日荷新卷迎秋柳半疎
風流有佳句不似帶經鋤

秋日過徐氏園林

包佶

回塘分越水

呂延濟曰回塘曲隄也

古樹積吳烟掃竹催鋪席垂

蘿待繫船鳥窺新罅栗龜上半歌蓮屢入忘歸地長嗟

俗事牽

潮東司馬郊園

許渾

楚翁秦塞住昔事李輕車

李廣弟蔡為輕車都尉

白社貧思橘

晉董

京常宿白社中襄陽記李衡種橘十樹臨死勅兒曰木奴千頭亦足用矣

青門老種瓜讀書

三選草沽酒一籬花更欲尋芝朮商山便寄家

龍翔喜胡權訪宿

喻鳧

林棲無異歡煮茗就花欄雀啄北窗晚僧開西閣寒衝
橋二水急扣月一鐘殘明發還分手徒悲行路難

秋晚郊居

遠聲霜後樹秋色水邊村野徑無來客寒風自動門海

山藏日影江石落潮痕惆悵高飛晚

卓茂曰寧能高飛
遠舉不在人間耶

年年別故園

友人南遊不還

于武陵

相思春樹綠千里各依依鄠杜月頻滿

漢扶風有鄠縣
杜陽縣西都賦

郭杜濱
其足

瀟湘人未歸
桂花風半落
烟草蝶雙飛
一別無

消息水南蹤跡稀

蹤跡一作車跡

夜泊淮陰

項斯

夜入楚家烟
烟中人未眠
望來淮岸盡
坐到酒樓前
燈影半臨水
箏聲多在船
垂流向東去
別此易經年

秋夜宿淮口

景池

露白草猶青
淮舟倚岸停
風帆幾處客
天地兩河星
樹靜禽眠草
沙寒鹿過汀
明朝誰結伴
直去泛滄溟

邨行

姚揆

天淡雨初晴遊人恨不勝亂山啼蜀魄孤棹宿巴陵影
暗邨橋柳光寒水寺燈罷吟思故國窗外有漁曾

題甘露寺

曹松

香門接巨壘畫角間清鐘北固一何峭西僧多此逢天
垂無際海雲白久晴峰旦暮然燈外潮頭振蟄龍

已上十一首

前實後虛

秋夜獨坐

王維

獨坐悲雙鬢空堂欲二更
雨中山果落燈下草蟲鳴
白髮終難變黃金不可成
欲知除老病唯有學無生

秋夜汎舟

劉方平

林塘夜汎舟蟲響荻颼颼
萬影皆因月千聲各為秋
歲華空復晚鄉思不堪愁
西北浮雲外伊川何處流

春日臥病書懷

劉商

楚客經年病孤舟人事稀
晚晴江柳變春暮一作夢塞鴻

欽定四庫全書

三體唐詩
卷六

歸今日方知命前年自覺非不能憂歲計無限故山薇

林館避暑

羊士諤

池島清陰裏無人泛酒船山蛭金奏響

左傳金奏作於下注曰擊鐘也

花露水精圓

山海經堂庭之山多水玉注曰水精也

靜勝朝還暮幽觀白

已玄

客嘲楊雄玄尚白此借用言白髮再玄也

家山正如此何不賦歸田

柏梯寺懷舊僧

司空圖

雲根禪客居皆說舊吾廬松日明金像苔龕響木魚

龕石

窳穴也如天水圖經所謂香積寺佛龕老石是也言木魚之聲應虛龕而響

依棲應不阻名

利本來疎縱有人相問林間嬾拆書

早春

傷懷仍客處病眼却花朝草嫩侵沙短水輕著雨消風
光知可愛容鬢不相饒早晚丹丘伴飛書肯見招

江行

地濶分吳塞楓高映楚天曲塘春盡雨方響夜深船

舊唐

書方響以鐵為之長九寸廣二寸員上方下

行紀添新夢

行紀者塗中所紀

羈愁甚

往年何時京洛路馬上見人烟

春日

李咸用

浩蕩東風裏徘徊無所親危城三面水古木一邊春
衰世難行道花時不稱貧滔滔天下者何處問通津

雲居長老

王貞白

巖路躡雲上

說文巖山脊也

來參出世僧松欹半巖雪竹覆一

溪水不說有為法非傳無盡燈了然方寸內應祇見南

能

南能大鑒禪師按唐儒用佛語禪機作詩文者惟梁肅裴均柳子厚白樂天裴休諸人可為盡善其餘但

作故事用者多不可曉以其未嘗留心于禪學而但用其語也如此篇後四句及皇甫冉道者億千燈看心是

一乘之語

皆得之

送許崇

張喬

離鄉積歲年歸路遠依然夜火山頭寺春江樹杪船干
戈愁鬢改瘴癘喜身全何處營甘旨波濤浸薄田

已上十首

穆陵關北逢人歸漁陽

劉長卿

逢君穆陵路匹馬向秦乾楚國蒼山古幽州白日寒城
池百戰後省舊幾家殘處處蓬蒿遍歸人掩淚看

早行寄朱放

戴叔倫

山曉旅人去天高秋氣悲
明河川上沒芳草露中裛此
別入千里少年能幾時
心知剌溪客聊且寄前期

陝州河亭陪韋大夫眺望

劉禹錫

雪霽太陽津

太陽故關即茅津也

城池表裏春
河流添馬頰

馬頰河乃

九河之一原色動龍鱗

西都賦原隰龍鱗

萬里思歸客
一杯逢故人

因高向西望關路正飛塵

已上三首

巴南舟中

岑參

渡口欲黃昏，歸人爭渡喧。
近鐘清野寺，遠火點江邨。
見雁思鄉信，聞猿積淚痕。
孤舟萬里夜，秋月不堪論。

宿關西客舍寄嚴許二山人

雲送關西雨，風傳渭北秋。
孤燈燃客夢，寒杵搥鄉愁。
灘上思嚴子，山中憶許由。
蒼生今有望，飛詔下林丘。

本集題云

七月三日在內學
見有高道舉徵

夜宿龍吼灘思峨嵋隱者

俗呼龍爪
灘在眉州

官舍臨江口灘聲已慣聞水烟晴吐月山火夜燒雲且
欲求方士無心戀使君

本集題云兼
寄幕中諸公

異鄉那可住況復

久離羣

南亭送鄭侍御還東臺

江亭

江一作紅

酒甕香白面繡衣郎

漢武遣繡衣使者擊斷郡國

砌冷蟲

喧坐簾疎月到牀鐘催離興急絃緩醉歌長關樹應先
落隨君滿路霜

南溪別業

結宇依青嶂開軒對翠疇樹交花兩色溪合水重流竹
徑春來掃蘭樽夜不收逍遙自得意鼓腹醉中遊

泊舟盱眙

常建

泊舟淮水次霜降夕流清夜久潮侵岸天寒月近城平
沙依雁宿旅館聽雞鳴鄉國雲霄外誰堪羈旅情

江南旅懷

祖詠

楚山不可極歸客自蕭條海色晴看雨江聲夜聽潮劍
留南斗近書寄北風遙為報空潭橘無媒寄洛橋

冬日野望

于良史

地際朝陽滿天邊宿霧收
風蕪殘雪起河帶斷水流
北關馳心極南圖尚旅遊
登臨思不已何處可消憂

早行

劉洵伯

鐘靜人猶寢天高景自涼
一星深戍火殘月半橋霜
客老愁城下蟬寒怨路傍
青山依舊色宛是馬卿鄉

逢瞿公

周賀

帶病稀相見西城早晚來
山衣風壤帛香印雨沾灰
坐

久鐘聲盡禪餘岳影回却思同宿夜高枕說天台

暮過山寺

賈島

衆岫聳寒色精廬向此分流星透疎木走月逆行雲絕頂人來少高松鶴不羣一僧年八十世事未曾聞

懷永樂殷侍御

河中府永樂縣古魏國唐分芮城置永樂

馬戴

石田虞芮接

芮城古芮國國名記虞芮所讓田今平陸縣西六十里閭原是也

種柳白

雲陰穴閉神蹤古

河中府有禹穴馬戴鶴雀樓詩所謂海波通禹穴是也

河流禹

鑿深樵人應滿郭仙鳥幾巢林此會偏相憶曾供雪夜

金定山人詩集 卷六
吟王徽之雪夜酌酒
吟左思詩憶戴逵

韋處士山居

許渾

斷藥去還歸，家人半掩扉。
山風藤子落，溪雨豆花肥。
寺遠僧來少，橋危客過稀。
不聞砧杵動，應解製荷衣。

瀑布寺貞上人院

鄭巢

林疎多暮蟬，師去宿山烟。
古壁燈熏畫，秋琴雨慢絃。
竹間窺遠鶴，岩上取寒泉。
西岳莎房在，歸期更幾年。

已上十四首

送龍州樊使君

許棠

曾見邛人說龍州地未深

龍州漢廣漢郡

碧溪飛白鳥紅旆映

青林土產惟宜藥王租只貢金政成閒宴日誰伴使君

吟

送人尉黔中

周繇

盤山行幾驛水路復通巴峽漲三川雪園開四季花公

庭飛白鳥官俸請丹砂

丹砂出辰州光明山辰溪舊屬黔中郡隋方立辰州

知尉

黔人後高吟採物華

道院

王周

白日人稀到簾垂道院深雨苔生古壁雪雀聚寒林忘

慮憑三樂

榮啓期帶索鼓琴而歌曰天生萬物人為貴
吾得為人一樂也男尊女卑吾為男二樂也

人生有不免襁褓吾年九十五三樂也
貧者士之常死者人之終吾何憂哉

消閒信五禽

華佗

曰吾有術為五禽戲一虎二鹿三猿四
熊五鳥每體中有不佳起作一禽之戲

誰知是官府烟

縷滿爐沉

已上三首

一意

終南別業

雍錄曰終南山橫亘關中南面西起秦隴東徹藍田凡八百里

王維

中歲頗好道晚家南山陲

李肇國史補曰王維好佛得宋之問輞川別業山水絕勝

今清涼寺是其地

興來每獨往勝事空自知行到水窮處坐看

雲起時偶然值林叟談笑滯還期

晚泊潯陽望廬峰

孟浩然

掛席幾千里名山都未逢泊舟潯陽郭始見香廬峰嘗

讀遠公傳永懷塵外蹤東林精舍近日暮坐聞鐘

陶元亮訪

遠公聞
鐘有省

茶人

陸龜蒙

天賦識靈草自然鍾野姿閒來壯山下

新唐書云龜蒙嗜茶置園顧渚

山似與東風期雨後採芳去雲間幽路危惟應報春鳥

顧渚山茶記云山有鳥如鷓鴣色蒼正二月作聲春起也三月作聲春去也採茶人呼為報春鳥

得共

斯人知

尋陸羽不遇

羽傳云僧史種師見羣雁覆小兒子橋下得而育之既有莖之得鴻漸子

陸其羽可用為儀乃氏以陸名羽字鴻漸

僧皎然

移家雖帶郭野徑入桑麻近種籬邊菊秋來未著花扣
門無犬吠欲去問西家報道山中出歸來每日斜

已上四首

起句

軍中醉飲寄沈八劉叟

暢當

酒渴愛江清餘酣漱晚汀軟莎欹坐穩冷石醉眠醒野
膳隨行帳華音發從伶數杯君不見都已遣沉冥

題江陵臨沙驛樓

司空曙

江天清更愁風柳入江樓雁惜楚山晚蟬知秦樹秋淒涼多獨醉零落半同游豈復平生意蒼然蘭杜洲

已上二首

送耿山人遊湖南

周賀

南行隨越僧舊業一池菱兩鬢已垂雪五湖歸掛曾夜濤鳴柵鎖寒葦露船燈此去更無事却來猶未能

宿巴江

僧栖霞

江聲五千里瀉碧急於絃不覺日又夜爭教人少年一

汀巫峽月

三峽記曰巫峽在夔州連山
隱蔽非亭午夜分不見日月

兩岸子規天

子規

一作
梯歸

山影似相伴濃遮到客船

已上二首

按伯弼分此而不著其說惟此卷只四首
分而為二者以前兩首起句太重為一例

後兩首起句稍輕終篇均停為一例具如卷首所
評其意最為明白以此觀之他可觸類而知矣

結句

送陳法師赴上元

皇甫冉

延陵初罷講

按延陵有五其一在代其一在綏今名延
福縣者後魏之延陵縣也一在丹徒者隋

之延陵縣也一在潤州者太康二年分曲阿延陵鎮置
一在常之晉陵者古延陵也公羊所謂季札退居延陵

者也建業去隨緣翻譯推多學壇場最少年浣衣逢野水

乞食向人烟遍禮南朝寺焚香古像前

送從弟歸河朔

李嘉祐

故鄉何可到令弟獨能歸諸將矜旄節

唐百官志節度使受雙旌雙節

何人重布衣空城流水在荒澤舊邨稀秋日平原路

平原

今德州蟲鳴桑葉飛

喜晴

自注云時左遷台州刺史

李敬方

到台十二旬一片雨中春林果黃梅盡山苗半夏新陽

烏朝展翅陰魄夜飛輪坐喜無雲物分明見北辰

蓋喜朝廷

有清明之漸而已
宛可雪也

茅山

杜荀鶴

步步入山門仙家烏徑分漁樵不到處麋鹿自成羣石

面迸出

一作流

水松頭穿破

一作亂

雲道人星月下相次禮

茅君

神仙傳大茅君名盈次茅名固小茅名衷號三茅君

已上四首



三體唐詩卷六